



COMUNE DE MARA

Provìntzia de Tàtari

ÀREA SERVÌTZIOS SOTZIALES E ASSISTENTZIALES

REGISTRU GENERALE N. 399 de su 12/09/2022

Detèrmina de su Responsàbile de su Servìtziu N. 141 de su 12/09/2022

PROPOSTA N. 516 de su 12/09/2022

OGETU: ACHISITZIONE DE MANIFESTATZIONES DE INTERESSU DAE PARTE DE ENTES E/O ASSÒTZIOS SENA PUNNAS DE BI BALANGIARE-FUNDOS DAE PARTE DE S'UNIONE DE SOS COMUNES DE SU BIDDANOIA PRO S'ACUMPRIDA DE INTERBENTOS CUN PUNNAS TURÌSTICAS E CULTURALES PRO S'ANNU 2022

PREMÌTIDU chi: cun deliberatzione de s'Assemblea de s'Unione de sos Comunes de su Biddanoia n. 8 de su 04/05/2017 est istadu aprovalu s'acollidura de su trasferimentu de su Servìtziu turismu dae parte de sos Comunes chi faghent parte de s'Unione, cun definitzione de sos crìterios organizativos e sas disponibilades finantziàrias, cunforma a s'art. 10 de s'Istatutu de s'Unione;

RECRAMADA sa deliberatzione de s'Unione matessi n. 9 de su 12.04.2019, cun sa cale est istadu aprovalu su Regulamentu pro s'istitutzione de s'albu e sa cuntzessione de contributos a organismos assotziativos;

BIDA sa nota prot. n. 1555 de su 06.05.2022, cun sa cale s'Unione de su Biddanoia at pedidu a onni Comune aderente sa trasmissione de propostas pro ammaniare unu Cartellu temàticu unitàriu de atividades, partzidas in tres àmbitos temàticos, Isport, Cultura e Costumàntzias, pro sas atividades chi s'ghint:

- promòvere atividades e eventos de interessu e utilidade, in s'isetu de arricchire, in generale, s'àmbitu culturale, tradizionale, educativu, formativu, ambientale, sotziale, isportivu e turìsticu de su territòriu;
- valorizare sa conditzione de sos giòvanos;
- prevènnere sa minimadura de sa populatzione in sos tzentros minores;
- contribuire a ismanniare su livellu de sa vida assotziada de sas diferentes articulatziones suas a favore de sas diferentes fàscias de edade;
- fàghere crèschere su cunsideru e sa màgine de su territòriu de s'Unione in s'interessu de totus;

BIDA sa D.G.C. n. 39 de su 20.05.2022 cun sa cale est istadu aprovalu su cartellu unitàriu pro s'annu 2022, de acumprire in su territòriu pròpiu:

ÀMBITU	DENUMENATZIONE INTERBENTU	IMPORTU	
ISPORT	MANIFESTATZIONES ISPORTIVAS	2.400,00 €	
TRADITZIONES RELIGIOSAS	MANIFESTATZIONES DE CARÀTERE RELIGIOSU	2.700,00 €	
TRADITZIONES SÒTZIU CULTURALES	MANIFESTATZIONES DE CARÀTERE SÒTZIU CULTURALES	7.253,75 €	
		12.353,75 €	

RILEVADU CHI:

- cun deliberatzione de Giunta de s'Unione de sos Comunes de su Biddanoa n. 23 de su 03/06/2022, est istadu aprovalu su programma de sos interbentos subra de su turismu;
- cun deliberatzione de Giunta de s'Unione de sos Comunes de su Biddanoa n. 24 de su 03/06/2022 rst istadu aprovalu su pianu de partzidura 2022 pro s'acumprida de su programma unitàriu de sas manifestatziones in su territòriu de su Biddanoa;
- cun determinatzione n. 69 de su 17/06/2022 de su Responsàbile de su Servìtziu Sotziale e Pùblica istruzione de s'Unione de su Biddanoa sunt istados leados impinnos de ispesa a favore de sos Comunes pro sas punnas mentovadas, dae sas cales si bidet un'assignadura, pro su Comune de Mara, che pare a € 12.353,75;

RECONNOTU chi pro sa farta de personale in s'orgànicu de s'Unione de su Biddanoa:

- sa matessi at a trasferire sas resursas netzessàrias a onni Comune aderente, onniunu de custos at a contivigiare sa gestione e s'acumprida de onni iniziativa, cunforma a su pianu de partzidura aprovalu;
- Pro sa gestione de sas initziativas, onni Comune at a dèvere contivigiare e s'at a leare sa responsabilidade de sos protzedimentos de affidamentu de sas prestatziones cunforma a sas modalidades chi s'ant a cunsiderare oportunas, cunforma a cantu prevididu dae s'art. 12 de sa L.n. 241/1990 e mm.ii.ii., a su Regulamentu de s'Unione de istituzione de s'albu e sa cuntzessione de contributos a organismos assotziativos aprovalu cun deliberatzione de s'Assemblea n. 9 de su 12.04.2019 e a sas dispositziones de lege in matèria de affidamentu de cuntratos;
- Onni Comune aderente at a dèvere approvare e trasmettere su rendicontu de sos contributos assignados; - s'Unione at a averiguare s'ammissibilità de sas ispesas e sas rendicontatziones, pro sa licuidatzione de sas summas assignadas a manera preventiva a sos comunes sùgulos, cunforma a su pianu de partzidura;

EVIDENTZIADU chi, pro mèdiu de sa giai fata deliberatzione n. 23/2022, s'Unione de sos Comunes de su Biddanoa at, de fatu, ammaniadu una dèlega de funtziones e de trasferimentu in su matessi tempus de sas resursas netzessàrias a s'acumprida de sas punnas implicadas;

RILEVADU chi sa promotzione e valorizatzione turistica de su territòriu de s'Unione de su Biddanoa est una de sas finalidades de s'Ente, cunforma a su printzìpiu de sussidiariedade orizzontale de su cale a s'art. 118 de sa Costituzione, rapresentende una modalidade diferente de acumprida de còmpitos pùblicos e no una forma de promotzione de sa màgine de sos Entes;

LEADU ATU de s'ischemu de avisu pùblicu, allegadu a custa, elaboradu dae su Responsàbile de s'Àrea Contàbile-sotziale, pro s'acuisizione de manifestatziones de interessu indiritzadas a assòtzios chi òperant o apant operadu in su territòriu de Mara e in sos Comunes lacanàrgios, pro s'acumprida de formas de collaboratzione e de cooperatzione de pare a pare pro s'acumprida de manifestatziones de promotzione turistica in su territòriu de Mara;

RITÈNNIDU de dèvere in custa sede protzèdere a s'aprovatzione de s'avisu pùblicu mentovadu in subra ca currispondet a sas netzessidades e a su chi s'ente s'isetat;

AVERIGUADU a manera preventiva, cunforma a s'art. 183, comma 8, de su Dlgs 267/2000 e mm.ii.ii., chi su programma de sos pagamenti chi cunsighit a custa determinatzione est

compatibile cun sos isbursos de càscia relativos e cun sas règulas de finàntzia pùblica;

DE FÀGHERE pròpias sas premissas narrative e motivatzionales a custu dispositivu chi si leant a cunsideru inoghe recramadas e giutas torra a manera integrale;

DETERMINAT

DE APROVARE s'avisu pùblicu e sa documentatzione chi b'est, allegados a sa presente pro nde fàghere parte integrante e sustanziale, pro s'achistzione de manifestatziones de interessu indiritzadas a assòtzios e entes chi òperant sena punna de bi balangiare chi òperent e/o apant operadu in su territòriu de Mara e in sos Comunes lacanàrgios, iscritos a manera regolare a s'Albu de sos Assòtzios de s'Unione de sos Comunes de su Biddanoa, pro s'acumprida de formas de collaboratzione e de collaboratzione de pare a pare pro s'acumprida de manifestatziones de promotzione turistica in su territòriu de Mara;

DE AMMENTARE, bidu cantu apostivigadu dae sa Deliberatzione de sa Giunta de s'Unione n. 24 de su 03.06.2022, mentovada in s'introduida, chi custu atu falat dae sa dèlega de funtziones, dae parte de s'Unione de sos Comunes de su Biddanoa, pro s'acumprida de sas manifestatziones de promotzione turistica in su territòriu de Mara prevididas in su programa giai definidu aprovadu dae s'Unione de su Biddanoa cun sa matessi deliberatzione n. 24/2022;

DE RECONNÒSCHERE chi:

- Sos contributos ant a èssere assignados cun deliberatzione de sa Giunta comunale, esaminadas chi siant sas dimandas pervènnidas;
- s'esàminu de sas dimandas pervènnidas at a èssere fatu in linia tècnica dae sos Ufìtzios Comunales pro averiguare su poderiu de sos rechisidos de sos cales a s'art. 2 in cabu a sos Assòtzios chi proponent e assignare sos puntègios de sos cales a s'art. 5 de s'Avisu;
- s'ispea chi derivat dae custu provedimentu agatat cobertura a su càp. 11011, de su bilàntziu de previsione de su 2021;
- sos fundos mentovados, chi si podent insertare in saa genia de "Contributos a rendicontatzione" de sos cales a su paràgrafu 3.6, lit. c) de s'allegadu 4.2 a su Dlgs n. 118/2011, ant a èssere antizipados dae su Comune de Mara e de custos at a èssere pedidi su rembursu a s'Unione de su Biddanoa cun rendicòntu apòsitu;

VISTU DE REGULARIDADE TÈCNICA

Su Responsàbile de su Servìtziu, cunforma a s'art. 147/bis de su TUEL 267/2000 e de su Regulamentu subra de sos controllos internos in òrdine a sa proposta n.ru 516 de su 12/09/2022 espressat parre a **FAVORE**.

Vistu de regularidade tècnica firmadu a manera digitale dae su Responsàbile de su Servìtziu ISTR. DIRETIVU DONEDDU SABRINA in data 12/09/2022.

No at rilevàntzia dae su puntu de annotu contàbile

NOTA DE PUBLICATZIONE N. 633

Su 12/09/2022 est publicada in s'albu pretòriu sa determinatzione n.ru 399 de su 12/09/2022 cun ogetu:

ACHISITZIONE DE MANIFESTATZIONES DE INTERESSU DAE PARTE DE ENTES E/O ASSÒTZIOS SENA PUNNA DE BI BALANGIARE –FUNDOS DAE PARTE DE S'UNIONE DE SOS COMUNES DE SU BIDDANO A PRO S'ACUMPRIDA DE INTERBENTOS CUN PUNNAS

TURÌSTICAS E CULTURALES PRO S'ANNU 2022

At a abarrare afissada pro 15 dies cunforma a s'art. 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada dae ISTR. DIRETTIVO DONEDDU SABRINA su 12/09/2022.

Còpia digitale de documentu informàticu firmadu e produidu cunforma a su Dlgs 82/2005 e normas respetivas cullegadas